

| Deficultà | Lunghëza te km | Dureda te h | Deslivel      |
|-----------|----------------|-------------|---------------|
| Mesan     | 8,1Km          | 02:30       | + 168m - 910m |

Eingezeichnete Tour

### Descrizion dla jita


Sambën ne ie Secëda nia danter la furmazions iconiches dla Dolomites sciche l Saslonch, la Marmolada, l Ciuita o la Trëi Pizes de Lavarëi, y mpo iela de gran mpurtanza. Sce n ti cëla iel puscibl se liejer ora y recostruì la storia geologica de chësc raion dal Perm aut (dan ntëur 265 milions d'ani) nchin al Triassich mesan (dan ntëur 240 milions d'ani).

La jita puech sfadiëusa scumëncia sainsom de Secëda, pra la furmazions de crëp plu jëunes, y nes mëina – sibe n cont dla lerch sibe n cont dl tëm – for juvier nchin Furnes, sëura Urtijëi. N pëia via, cun i sasc ntëur la stazion dla furnadoia, pra n raion de sedimentazion de n mer do la rata sot. Danter chëstes iel sibe laves basiches che nce la ciauces scures deposedes dessot, che ie datrai riches de pieres da fuech dla Furmazion de Buchenstein (Fodom). De viers dla furcela de Pana vën chësta vëtes de ciauc curides dala ciauces de gran dimenscions dla Furmazion dl Scilier, che forma la Odles y che fova unides deposedes tl'eghes scialdi fliesses de na plataforma de carbonat.

La segunda pert dla jita nes mëina pona sun l purtoi dai schi de viers de Furnes ulache l ie da udëi sortes de crëp for plu vedles. Nsci däl tl uedl la laves a plumac sëura la ciauces de Fodom y la Furmazion de Contrin che ie unida deposeda te ega scialdi pluech sota. Pona vëijen la vëtes de Werfen cun si truep curëc dl Triassich bas y la vëtes de Bellerophon cun si ciauces y ghipsc dl tëm dl Perm, che testimoniea l prima unì adalorch dl mer te chësc raion che cunescion ncuei coche Dolomites. Plu dalonc possen usservé l'arenaries cuccenes de Gherdëina che ie unides a se l dé tres la erojion di porfirs (crëps vulcanics) y che se mostra nce scialdi bën pra la stazion a val dla furnadoia a Urtijëi.

### Ogec dla jita


1.



**LAVA**

N fonz de mer scialdi fiers


2.



**CHIPS**

Blanch sciche...ghips


3.



**CONGLOMERAT**

N mescedoz de sortes crëp


4.



**ORTISEIA**

L lën da odla di raions basc


5.



**ARENARIA DE GHERDËINA**

L fova n iede sablon


6.



**CIAUC CUN CNODLES DE SELESC**

N ghest dur


7.



**AMONIC**

Spirales che viv


8.



**ITIOSAUR**

L fossil plu cuneschiù de Gherdëina

9.



**CLARAIA**

N molusch bon de se adaté

